

## Eletar yay éfatten yo Saanj ahič me

### *Basaf babu baa Saanj*

<sup>1</sup> Injé anafan ahu ihičeuli, aw atiom Gaiyus o níbboli me maagen mamu.

<sup>2</sup> Atiom o níbboli me nár, ínje umu n'elaw Aláemit min akan wafi þe n'úari, nilaoł þop aw fumumi ubaj gásunay n'enili ti may biinumi bubaj go me. <sup>3</sup> Nibabaj ésumay yámah no guce ni gutiolal gukelo me guogom maagen mamu mujugijuh ni buronji, ban ti maagen buronji bujaojaor ni maagen maumu. <sup>4</sup> Waf waw wafañ me n'úsumom wo uomme min iun me búoh guñolom ubugi m'buroñ nabor ni maagen mamu.

### *Maaro mamu mo Gaiyus akan me*

<sup>5</sup> Atiom o níbboli me nár, waf waw þe wo nukane me bi ni gutiolal, nukanewokan ni maagen dó, hani nihi ní sijaora. <sup>6</sup> Gulolob maa gábbolii bújonjor bugan bugagu bugaa janguóli þe. Nilai urambenil ni bújaoril garamben gásume Aláemit. <sup>7</sup> Elob mala Kirista eçil me n'guilo gujow, ban gumanjut guyab wáfowaf ni guñen bugan bugagu gáinenut me n'Aláemit.

<sup>8</sup> Kan ñer nuotale ualenal bugan ti bugaubugi, tima nurambenail ni burok babu bo guomme n'ekan min maagen mamu muffasi.

*Joturef bugo ni Demetirius*

<sup>9</sup> Nihičulohič gurim guman bi ni jangu yay yolul, bare Joturef amanje me éni afanul ni waf waw þe, amanjut auttenóli. <sup>10</sup> Yo eçil me no nijae me éjoul, þan igitenul maarat mamu þe mo nakan me ni þop gurim gagu gaarat me go nalob me aya ni wolal. Ban areut to : nalalat ealen gutiolal gajoulo me, ban gamajen me ealenil nabbañ mul áfirenil yo ekan, min til ahattoril gúþur jangu yay.

<sup>11</sup> Atiom o níbboli me nár, jamb'ulihor ni waf waarat, bare ulihor ni waf wáarie. An akane maaro, o, Aláemit açilol, bare an akane maarat, o, affasut Aláemit.

<sup>12</sup> Demetirius, açila, ésuh yay þe gulolob maaro guya ni o, ban maagen mamu maamme ni o mujugijuh ni buroñol. Wóli fumumóli may julolob maaro jiya ni o, ban nuffase búoh wo wóli julob me maagen dom.

*Gurim Saan gúsola*

<sup>13</sup> Nibaje waf wammenje bi elobi, bare imanjut ilobi wo n'eletar. <sup>14</sup> Níinene búoh mati þio nikeli bujuh min ulolobora wo bíþimbor. <sup>15</sup> Gásumay gúni n'aw ! Gupali gusafuli. Usaf ánoan ni gupalolal !

**Firim fafu fal Aláemit  
Bandial: Firim fafu fal Aláemit Bible**

copyright © 2015 Wycliffe Bible Translators, Inc.

Language: Bandial

Contributor: Wycliffe Bible Translators, Inc.

All rights reserved.

2020-11-16

---

PDF generated using Haiola and XeLaTeX on 21 Feb 2024 from source  
files dated 29 Jan 2022

2256a388-b3d0-5a86-9a2f-8ea0a837d026